



KONTRATË

PËR THEMELIMIN E SHOQËRISË “REJSI FARMA”, SH.P.K.

E lidhur midis palëve:

1. - **Nexhat Sheqi**, i datëlindjes 1958, i biri i Brahimit, lindur në Shkodër, banues në Tiranë, Rr. P. Rexhepi, Pall. 5, Ap. 25, me patentë Nr. 172343,
2. - **Alqi Jani**, i datëlindjes 1952, i biri i Fotit, banues në Tiranë, Rr. e Kavajës, Pall. 223, Ap. 20, me pasaportë Nr. AZ 459653.

Të dy palët, duke qënë të pranishëm, të deklaruar ortakë, ranë dakord që kontratën e themelimit të shoqërisë së përbashkët ta formulojnë sipas kërkesave të ligjit 7667, datë 28/01/1993, dhe ligjit 7638, datë 19/11/1992 “Për shoqëritë tregtare”, dhe vendosën sa më poshtë:

I. DISPOZITA TË PËRGJITHSHME

Neni 1

Themelohet ndërmjet tyre një shoqëri me përgjegjësi të kufizuar e quajtur “**REJSI FARMA**”, SH.P.K.

Neni 2

Shoqëria e sipërpërmendur ngrihet sipas ligjit shqiptar dhe e ka selinë e saj në Tiranë, Pallati 9-katësh, Rr. Vllazën Huta.

Neni 3

Sipas ligjit shqiptar Shoqëria është një person juridik privat dhe veprimtaria e saj do të ushtrohet në përputhje me aktet e krijimit të saj (akti themelues dhe statuti) si dhe të legjislacionit shqiptar.

Neni 4

Shoqëria përgjigjet me pasurinë e saj.
Në asnjë rast shoqëria nuk përgjigjet për detyrimet e ortakëve.
Ortakët nuk përgjigjen personalisht për detyrimet e shoqërisë.
Shoqëria përgjigjet për detyrimet e saj ndaj shtetit ose ndaj të tretëve brenda kufirit të mjeteve të saj financiare.

Neni 5

Shoqëria mund të ndryshojë emrin, selinë dhe veprimtarinë e saj me vendim të Asamblesë së Ortakëve.

Neni 6

Shoqëria ushtron veprimtarinë e saj në territorin e Republikës së Shqipërisë. Për arritjen e qëllimeve sociale, ajo ka të drejtë të hapë filiale ose zyra përfaqësimi në qytete të ndryshme të Shqipërisë ose jashtë saj.

II. OBJEKTI I VEPRIMTARISË

Neni 7

Shoqëria ka për objekt të veprimtarisë së saj ushtrimin e aktivitetit privat në fushën e:

- import-eksport të artikujve farmaceutikë e kozmetikë, të bimëve medicinale, të lëndëve të para për prodhime farmaceutike e kozmetike.
- tregtim me shumicë dhe pakicë të artikujve farmaceutikë e kozmetikë, të bimëve medicinale, të lëndëve të para për prodhime farmaceutike e kozmetike; në përputhje me legjislacionin në fuqi,

III. KOHËZGJATJA E SHOQËRISË

Neni 8

Kohëzgjatja e shoqërisë është vendosur mbi 10 vjet.

Të paktën një vit para mbarimit të këtij afati, palët mund të vendosin zgjatjen e këtij afati dhe 10 vjet të tjera. Do të jetë detyrë e shoqërisë, që në përputhje me ligjet në fuqi, të paraqesë kërkesën si dhe dokumentacionin e nevojshëm në autoritetet kompetente shqiptare.

IV. KAPITALI

Neni 9

Kapitali i shoqërisë përbëhet nga kapitali themeltar prej 100000 (njëqindmijë) lekë, i vendosur në shoqëri sipas ortakëve si më poshtë:

- Nexhat Sheqi 60000 lekë = 60 % të kapitalit
- Alqi Jani 40000 lekë = 40 % të kapitalit

Neni 10

Dorëzimet e ortakëve do të jenë të pasqyruara në kontabilitetin e shoqërisë dhe në librin e ortakëve.



V. ORGANET E SHOQËRISË

Neni 11

Organet drejtuese të shoqërisë janë:

- *Asamblea e Ortakëve,*
- *Administratori.*

VI. VEPRIMTARIA DHE FITIMI I SHOQËRISË

Neni 12

Shoqëria realizon fitimin me ushtrimin e veprimtarisë së saj të përcaktuar në aktin themelues dhe në statut.

Neni 13

Ortakët kanë të drejta mbi fitimin që shoqëria realizon. Fitimi neto rezulton nga bilanci vjetor i shoqërisë, i përpiluar në përputhje me statutin a saj dhe legjislacionin shqiptar, mbas pagimit të taksave, tatimeve dhe pagave.

Neni 14

Ortakët marrin pjesë në shpërndarjen e fitimit sipas kuotave të tyre në kapitalin social. Z. Nexhat Sheqi do të marrë 60% të fitimit, kurse Z. Alqi Jani do të marrë 40% të fitimit.

Neni 15

Ndarja e fitimit do të përcaktohet nga Asamblea e Ortakëve me miratimin e bilancit vjetor.

VII. MARRDHËNIET E PUNËS

Neni 16

Marrdhëniet e punës të shoqërisë me punonjësit rregullohen me kontratën individuale të punës, në mbështetje me kontratën kolektive.

Mosmarrëveshjet e punonjësit me shoqërinë zgjidhen në gjykatën shqiptare.

VIII. MOSMARRËVESHJET

Neni 17

Mosmarrëveshjet e mundshme që mund të kenë ortakët, në se nuk do të rezultojnë të zgjidhura miqësisht, do të shqyrtohen nga *Gjykata e Rrethit, Tiranë*.



IX. DISPOZITA KALIMTARE TË FUNDIT

Neni 18

Shoqëria shpërndahet:

- Në rastet e parashikuara nga legjislacioni shqiptar,
- Me mbarimin e afatit të përcaktuar,
- Kur ortakët vendosin të tërheqin fondet e investuara, dhe
- Kur shpallet procedura e falimentimit.

Neni 19

Shoqëria mund të krijojë shoqëri ose ndërmarrje të tjera, ose të ndahet në më shumë se një shoqëri, vetëm me vendim të Asamblesë së Ortakëve.

Neni 20

Shoqëria fiton personalitetin juridik me vendimin e rregjistrimit në *Gjykatën e Rrethit, Tiranë*.

Neni 21

Ky akt themelues hyn në fuqi ditën e nënshkrimit të tij nga palët.

Neni 22

Kjo kontratë është e përpiluar në 4 (katër) kopje në gjuhën shqipe.

ORTAKËT

Nexhat SHEQI

Alqi JANI

5747271

ISHOQËRISË “REJSI FARMA”, SH.P.K.

**I. KRIJIMI, FORMA, EMËRTIMI, OBJEKTI,
SELIA DHE KOHËZGJATJA E SHOQËRISË**

Neni 1

Shoqëria me përgjegjësi të kufizuar “REJSI FARMA”, SH.P.K., me qendër në Tiranë, është krijuar në bazë të kontratës që i bashkangjitet ky statut, të përpiluar dhe të nënshkruar nga:

1. - **Nexhat Sheqi**, i datëlindjes 1958, banues në Rr. P. Rexhepi, Pall. 5, Ap. 25, Tiranë,
- 2 - **Alqi Jani**, i datëlindjes 1952, banues në Rr. e Kavajës, Pall. 223, Ap. 20, Tiranë.

Neni 2

Shoqëria e zhvillon veprimtarinë tregtare në Shqipëri, në përputhje me legjislacionin shqiptar në fuqi dhe në përputhje me dispozitat e këtij statuti.

Shoqëria e fiton personalitetin juridik nga dita e regjistrimit të saj.

Neni 3

Emërtimi i shoqërisë është **“REJSI FARMA”, SH.P.K.**

Neni 4

Shoqëria ka për objekt të veprimtarisë së saj ushtrimin e aktivitetit privat në fushën e:


- import-eksport të artikujve farmaceutikë e kozmetikë, të bimëve medicinale, të lëndëve të para për prodhime farmaceutike e kozmetike.

- tregtim me shumicë dhe pakicë të artikujve farmaceutikë e kozmetikë, të bimëve medicinale, të lëndëve të para për prodhime farmaceutike e kozmetike; në përputhje me legjislacionin në fuqi.

Neni 5

Selia e shoqërisë është në Tiranë, Pallati 9-katësh, Rr. Vllazën Huta. Ajo mund të hapë filiale në të gjitha rrethet e vendit në përputhje me dispozitat ligjore në fuqi.

Shoqëria ka vulën e vet me emrin e saj.



Neni 6

Kohëzgjatja e shoqërisë është përcaktuar për një periudhë mbi 10 vjet, duke filluar nga dita e regjistrimit të saj. Kjo periudhë mund të shkurtohet në rast se shoqëria priset para kohe.

II. KAPITALI THEMELTAR, KONTRIBUTI, PJESET E KAPITALIT THEMELTAR.

Neni 7

Kapitali themeltar i shoqërisë është 100000 (njëqindmijë) lekë.

Neni 8

Kapitali themeltar përbëhet nga kontributi i ortakëve i ndarë si më poshtë:

- Nexhat Sheqi 60000 lekë = 60 % të kapitalit
- Alqi Jani 40000 lekë = 40 % të kapitalit

Neni 9

Pjesët e kapitalit themeltar janë lirisht të transferueshme me rrugë trashëgimie, në rast ndarje pasurore ndërmjet bashkëshortëve dhe nëpërmjet paraardhësve e pasardhësve.

Neni 10

Pjesët e kapitalit themeltar mund tu transferohen personave të tretë më miratimin e tërë ortakëve.

Neni 11

Transferimi i pjesëve të kapitalit themeltar gjithmonë duhet të vërtetohet me *Akt - Noterial*.

III. MARRJA E VENDIMEVE, ADMINISTRIMI KOMPETENCA DHE KONTROLI I SHOQËRISË

Neni 12

Organi më i lartë vendimor i Shoqërisë është Asambleja e Ortakëve.

Në Asamble marrin pjesë Ortakët me të drejtë vote në përpjestim me kuotën respektive të kapitalit social.

Asambleja e Ortakëve vendos për bilancin vjetor, për ndryshimet në statut, për rritjen ose paktimin e kapitalit themeltar, për mbylljen e Shoqërisë. Ortakët duhet të bëjnë përfaqësimin e personit të deleguar.

Unanimiteti në vendimet është i domosdoshëm për:

- Ndryshimet në statut,
- Zgjatjen e veprimtarisë së Shoqërisë,
- Mbylljen e aktivitetit të Shoqërisë.

Për të gjitha problemet e tjera Asambleja e Ortakëve vendos me shumicë votash. Në Asamble çdo kuotë e kapitalit themeltar përfaqësohet nga një votë.

Asambleja e Ortakëve mbledhet të paktën një herë në vit, sipas parashikimit të shkruar të paktën 30 ditë përpara.

Neni 13

Administrator i Shoqërisë janë: Nexhat Sheqi dhe Alqi Jani.

Administratori ka të gjitha kompetencat për të kryer të gjitha veprimet e administrimit në interes të shoqërisë dhe në emër të saj, nëpërmjet kompetencave që i janë përcaktuar në këtë statut. Administratori emërohet dhe shkarkohet me miratimin e tërë ortakëve. Emërimi i tij bëhet për 3 (tre) vjet financiarë.

Neni 14

Administratori është përgjegjës individualisht ose solidarisht sipas rastit, ndaj shoqërisë apo të tretëve, për shkelje të ligjeve, të dispozitave të këtij statuti apo për faje gjatë administrimit të shoqërisë.

Neni 15

Disa nga kompetencat që i jepen administratorit janë:

- Të sigurojë drejtimin e mirë të shoqërisë,
- Të administrojë pasurinë e shoqërisë,
- Të përfaqësojë shoqërinë në mardhënie me të tretët,
- Të përfaqësojë shoqërinë para organeve gjyqësore ose të autorizojë persona të tjerë kompetentë.

• Të kryejë veprime juridike me të tretët, në emër dhe për llogari të shoqërisë, të tilla si: lidhje kontratash, çelje kredish, kryerje veprimesh bankare etj brenda limitit që i lejojnë ortakët.

Neni 16

Kontrolli i shoqërisë kryhet nga një ekspert kontabël i cili emërohet dhe shkarkohet nga tërë ortakët.

IV. VITI FINANCIAR DHE LLOGARITË VJETORE



Neni 17

Cdo vit financiar fillon më 1 Janar dhe përfundon më 31 Dhjetor. Përgjashtimisht viti i parë financiar fillon ditën e regjistrimit si person juridik.

Neni 18

Llogaritë vjetore, inventari, raporti mbi veprimtarinë e vitit financiar të hartuara nga administratori, nga eksperti kontabël i autorizuar, miratohen nga tërë ortakët.

Neni 19

Bilanci vjetor i veprimtarisë së shoqërisë nxirret brënda 31 Marsit të vitit pasardhës.

Neni 20

Tërë ortakët vendosin për qëllimin e përdorimit të fitimeve neto të realizuara nga veprimtaria e shoqërisë, mbasi zbriten të gjitha shpenzimet e kryera; ato mund të përdoren për: investime, nxitje ekonomike, reklama tregtare etj.

Neni 21

Shoqëria ka të drejtën e përdorimit lirisht të fitimeve dhe të disponimit lirisht të pasurisë së saj në përputhje me qëllimin e objektit të veprimtarisë që kryen.

Neni 22

Detyrimet që mund të lindin gjatë veprimtarisë së shoqërisë ajo i mbulon nga fondi rezervë ose nga shumat suplementare.

Neni 23

Shoqëria gëzon të gjitha të drejtat dhe mbrojtjen e pasurive të saj nga legjislacioni shqiptar në fuqi.

V. PUNËSIMET NË SHOQËRI

Neni 24

Për punonjësit që do të punësohen, mardhëniet juridike midis shoqërisë dhe të punësuarve do të rregullohen nëpërmjet kontratës së punës në përputhje me dispozitat ligjore në fuqi.

Neni 25

Shoqëria merr përsipër të derdh rregullisht të gjitha detyrimet, gjithashtu dhe kontributet për sigurimin e të punësuarve të saj në organet kompetente përkatëse, në përputhje me dispozitat ligjore në fuqi.

VI. PRISHJA E SHOQËRISË, LIKUIDIMI

Neni 26

Shoqëria priset para kohe kur:

- Aktiviteti ekonomik i saj për disa vjet rradhazi është me humbje.
- Për arsye të parashikuara me ligj.
- Në çdo rast tjetër me vendim të të tërë ortakëve.

Neni 27

Shoqëria hyn në procesin e likuidimit që në momentin e marrjes së vendimit për prishjen e saj. Për kryerjen e këtij procesi, të tërë ortakët emërojnë një ose dy likuidatorë, të cilët i paraqesin raportin mbi gjendjen e aktivitetit dhe pasivitetit të shoqërisë.

VII. KUSHTET E TJERA

Neni 28

Të gjitha vendimet e tërë ortakëve rregjistrohen në libër të vecantë që mbahet në selinë e shoqërisë.

Neni 29


Për të gjitha mosmarrëveshjet që mund të lindin gjatë veprimtarisë së shoqërisë dhe që nuk zgjidhen me mirëkuptim, organi kompetent për zgjidhjen e tyre është *Gjykata e Rrethit, Tiranë*.

Neni 30

Ky statut është hartuar në qytetin e Tiranës, sot më/...../ 1999.

ORTAKËT THEMELUES TË SHOQËRISË "REJSI FARMA", SH.P.K.

Nexhat Sheqi



Alqi Jani

